



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

8 մայիսի 2025 թվականի N 557 - Ա

«ՍՕՍ-ՄԱՆԿԱԿԱՆ ԳՅՈՒՂԵՐ» ՀԱՅԿԱԿԱՆ ԲԱՐԵԳՈՐԾԱԿԱՆ ՀԻՄՆԱԴՐԱՄԻ ՀԵՏ ԴՐԱՄԱՇՆՈՐՀԻ ՊԱՅՄԱՆԱԳԻՐ ԿՆՔԵԼՈՒ ԵՎ «ԳԱՎԱՌԻ ՄԱՆԿԱՏՈՒՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆԸ ԼՈՒԾԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 67-րդ հոդվածով, «Պետական ոչ առևտրային կազմակերպությունների մասին» Հայաստանի Հանրապետության օրենքի 13-րդ հոդվածի 2-րդ մասի «զ» ու «է» կետերով և 25-րդ հոդվածով, «Հայաստանի Հանրապետության 2025 թվականի պետական բյուջեի մասին» Հայաստանի Հանրապետության օրենքի 7-րդ հոդվածի 18-րդ մասով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության օրենսդրությամբ սահմանված կարգով 2025 թվականի մայիսի 26-ից լուծարել «Գավառի մանկատուն» պետական ոչ առևտրային կազմակերպությունը (այսուհետ՝ կազմակերպություն) (պետական գրանցման ամսաթիվը՝ 2003 թվականի փետրվարի 28, համարը՝ 25.210.00914, հասցեն՝ Ռաֆիկ Թորգոմյանի փողոց 5, Գավառ 1201, Գեղարքունիք):

2. Հայաստանի Հանրապետության տարածքային կառավարման և ենթակառուցվածքների նախարարության պետական գույքի կառավարման կոմիտեի

նախագահին՝ սույն որոշման 1-ին կետում նշված ժամկետից հետո 15-օրյա ժամկետում ապահովել կազմակերպության լուծարման աշխատանքներն իրականացնելու նպատակով լուծարման հանձնաժողովի ստեղծումը՝ դրա կազմում ընդգրկելով Հայաստանի Հանրապետության արդարադատության նախարարության (մեկ անդամ), Հայաստանի Հանրապետության աշխատանքի և սոցիալական հարցերի նախարարության (մեկ անդամ), Հայաստանի Հանրապետության տարածքային կառավարման և ենթակառուցվածքների նախարարության պետական գույքի կառավարման կոմիտեի (երկու անդամ՝ հանձնաժողովի նախագահ և անդամ-քարտուղար), Հայաստանի Հանրապետության պետական եկամուտների կոմիտեի (մեկ անդամ) և Հայաստանի Հանրապետության Գեղարքունիքի մարզպետի աշխատակազմից (մեկական անդամ) ներկայացուցիչներին:

3. Հայաստանի Հանրապետության աշխատանքի և սոցիալական հարցերի նախարարին՝

1) պետական բյուջեում վերաբաշխում կատարելուց հետո երկշաբաթյա ժամկետում Հայաստանի Հանրապետության օրենսդրությամբ սահմանված կարգով կնքել հուշագիր և դրամաշնորհի պայմանագիր «ՍՕՍ-Մանկական Գյուղեր» հայկական բարեգործական հիմնադրամի հետ՝ հինգ տարի ժամկետով՝ կազմակերպությունում խնամվող երեխաների խնամքն ու դաստիարակությունն ապահովելու նպատակով և ապահովել կազմակերպությունում խնամվող երեխաների վերաուղեգրումն ու տեղափոխումը «ՍՕՍ-Մանկական Գյուղեր» հայկական բարեգործական հիմնադրամի Կոտայքի մասնաճյուղ, երեխաների անձնական գործերի հանձնումը «ՍՕՍ-Մանկական Գյուղեր» հայկական բարեգործական հիմնադրամին: Դրամաշնորհի պայմանագրում անհրաժեշտ է սահմանել, որ պայմանագրի գումարը սահմանվում է յուրաքանչյուր տարի պետական բյուջեով նախատեսված ֆինանսական միջոցների չափով:

2) լուծարման հանձնաժողովի ստեղծումից հետո մեկամսյա ժամկետում ապահովել կազմակերպության համապատասխան փաստաթղթերի և գույքի, այդ թվում՝ դրամական միջոցների և գույքային իրավունքների հանձնումը լուծարման հանձնաժողովին:

3) հաստատել լուծարման հանձնաժողովի կողմից կազմված լուծարման հաշվեկշիռը.

4) լուծարման աշխատանքներն ավարտելուց հետո մեկամսյա ժամկետում սահմանված կարգով ապահովել կազմակերպության գործունեության դադարեցման պետական գրանցման համար անհրաժեշտ միջոցները:

4. Պետական գույքի կառավարման կոմիտեի նախագահին՝ մինչև լուծարման գործընթացի ավարտը՝

1) լուծել կազմակերպության հետ կնքված 2019 թվականի նոյեմբերի 8-ի թիվ 130/0019 և 2024 թվականի հուլիսի 23-ին կնքված թիվ 29/0024 պայմանագրերով կազմակերպությանն անհատույց օգտագործման իրավունքով անշարժ գույք ամրացնելու մասին պայմանագրերը.

2) «Օթևան» պետական ոչ առևտրային կազմակերպության հետ կնքել ՀՀ, Գեղարքունիքի մարզ, համայնք Գավառ, քաղ. Գավառ, Ռ. Թորգոմյան փողոց, թիվ 5 շենք հասցեում գտնվող՝ 2021.7 քառ. մ և 1115.0 քառ. մ մակերեսներով մասնաշենքերը, 193.6 քառ. մ մակերեսով պահեստը, 74.4 քառ. մ մակերեսով կաթսայատունը, 91 քառ. մ մակերեսով լվացքատունը, 6.4 քառ. մ մակերեսով պահակատունը և ՀՀ, Գեղարքունիքի մարզ, համայնք Գավառ, քաղ. Գավառ, Գ. Նարեկացու փողոց 3 հասցեում գտնվող՝ 0.431 հա մակերեսով հողամասը, 43.28 քառ. մ մակերեսով սրճարանը, 6.67 քառ. մ մակերեսով պահեստը, 77.49 քառ. մ մակերեսով սրճարանը, 10.41 քառ. մ մակերեսով պահեստը, 57.67 քառ. մ մակերեսով խոհանոցը, 40.3 քառ. մ մակերեսով պոմպակայանը, 63.6 քառ. մ մակերեսով ջրավազանը, 18 քառ. մ մակերեսով պահեստը, 61.15 քառ. մ ծածկը, 26 քառ. մ, 13 խոր. մ մակերեսով պարիսպը, 32.2 քառ. մ մակերեսով հարթակը, 75.2 քառ. մ, 112.8 խոր. մ մակերեսով պարիսպն անհատույց օգտագործման իրավունքով տրամադրման մասին պայմանագրեր՝ որպես սոցիալական բնակարանային ֆոնդ օգտագործելու նպատակով:

5. Լուծարման գործընթացի ավարտից հետո, պարտատերերի պահանջները բավարարելուց հետո, կազմակերպության մնացած շարժական գույքն ամրացնել

Հայաստանի Հանրապետության աշխատանքի և սոցիալական հարցերի նախարարությանը՝ խնամքի կամ կազարանով ապահովման ոլորտին ուղղված պետական ծրագրերի իրականացման ապահովման նպատակով:

6. Սահմանել, որ կազմակերպության պարտատերերի հետ հաշվարկներն ավարտելուց հետո դերիտորական պարտքերի ստացման և այլ պահանջների իրավունքները վերապահվում են Հայաստանի Հանրապետության ֆինանսների նախարարությանը, իսկ մնացած դրամական միջոցները փոխանցվում են Հայաստանի Հանրապետության պետական բյուջե:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան